



ს ა ქ ა რ თ ვ ე ლ ო  
სამტრედიის მუნიციპალიტეტის საკრებულო



ოქმი:ლ63. 6324236001

თარიღი:23/08/2024

ს ა ქ ა რ თ ვ ე ლ ო  
სამტრედიის მუნიციპალიტეტის V მოწვევის  
საკრებულო  
იურიდიულ, ადამიანის უფლებათა დაცვის, საპროცედურო და  
სამანდატო საკითხთა კომისიის  
სხდომის

ო ქ მ ი N 13

19 აგვისტო

2024 წელი

სამტრედიის მუნიციპალიტეტის V მოწვევის საკრებულოს  
იურიდიულ, ადამიანის უფლებათა დაცვის, საპროცედურო და

სამანდატო საკითხთა კომისიის

სხდომის

ოქმი N 13

19 აგვისტო, 2024 წელი.

ქ. სამტრედია.

მიმდინარე წლის 13 აგვისტოს, სამტრედიის მუნიციპალიტეტის V მოწვევის საკრებულოს იურიდიულ, ადამიანის უფლებათა დაცვის, საპროცედურო და სამანდატო საკითხთა კომისიის თავმჯდომარის, მანანა სირბილაძის თავმჯდომარეობით, ჩატარდა იურიდიულ, ადამიანის უფლებათა დაცვის, საპროცედურო და სამანდატო საკითხთა კომისიის სხდომა.

**სხდომას ესწრებოდნენ:** მანანა სირბილაძე, ვალერიანე ფოცხვერია, ლიზა კრავიშვილი, პაატა კოხრეიძე, მერაბ ულრელიძე, დავით ნიკოლეიშვილი, მანანა ტალაბაძე.

დღის წესრიგი:

- საქართველოს პარლამენტის 2024 წლის არჩევნებისთვის სამტრედიის მუნიციპალიტეტის ტერიტორიაზე სააგიტაციო მასალის გასაკრავი/გამოსაფენი ადგილებისა და მუნიციპალიტეტის ტერიტორიაზე საარჩევნო სუბიექტების წინასაარჩევნო კომპანიისათვის შენობა-ნაგებობის გამოყოფის შესახებ.

**/მომხსენებელი: მანანა სირბილაძე/**

2. სხვადასხვა.

კომისიის თავმჯდომარის წინადადებით, კომისიის წევრებმა (7 ხმით) კენჭი უყარეს დღის წესრიგს.

კენჭისყრის შედეგად, იურიდიულ, ადამიანის უფლებათა დაცვის, საპროცედურო და სამანდატო საკითხთა კომისიის წევრთა (7 ხმით) დღის წესრიგი იქნა დამტკიცებული წარმოდგენილი სახით.

**დღის წესრიგის I საკითხთან დაკავშირებით,** კომისიის თავმჯდომარემ წევრებს გააცნო, რომ

1. საქართველოს პარლამენტის 2024 წლის არჩევნებისათვის სამტრედიის მუნიციპალიტეტის ტერიტორიაზე სააგიტაციო მასალის გასაკრავ/გამოსაფენ ადგილებად სამტრედიის მუნიციპალიტეტის მიერ გამოიყოს:

ა) ქალაქ სამტრედიაში, რუსთაველის ქუჩაზე, კულტურის სახლის წინ მდებარე 2 სარეკლამო აბრა;

ბ) ქალაქ სამტრედიაში, ჯავახიშვილისა და რუსთაველის ქუჩების გადაკვეთაზე რკინიგზის სადგურის მოპირდაპირე მხარეს მდებარე 1 სარეკლამო აბრა;

გ) სამტრედიის მუნიციპალიტეტის ტერიტორიაზე მდებარე სამტრედიის

მუნიციპალიტეტის საკუთრებაში არსებული გარე განათების ბოძები.

2. სამტრედიის მუნიციპალიტეტის ტერიტორიაზე სააგიტაციო მასალის გასაკრავად\გამოსაფენად ადგილებად გამოიყოს მგზავრთა მოსაცდელები, გარდა ფიზიკური და კერძო სამართლის იურიდიული პირების მფლობელობაში არსებული მოსაცდელებისა.

3. პირველი და მეორე პუნქტებით განსაზღვრული ადგილების (ობიექტები) გარდა სააგიტაციო მასალა შეიძლება აგრეთვე, გამოიფინოს სხვა შენობა-ნაგებობისა და ობიექტებზე (გარდა მე-4 პუნქტით გათვალისწინებული შემთხვევებისა) მათი მესაკუთრეების ან მფლობელების თანხმობის შემთხვევაში.

4. სამტრედიის მუნიციპალიტეტის ტერიტორიაზე საადიტაციო მასალის გასაკრავად\გამოსაფენად გამოიყოს სამშენებლო ტერიტორიების შემოსაზღვრული დროებითი ღობეები. 5. აკრძალულია სააგიტაციო მასალის საკულტო ნაგებობებზე, კულტურული მემკვიდრეობის შენობა-ნაგებობებზე, სახელმწიფო ხელისუფლებისა და მუნიციპალიტეტის ორგანოების, სასამართლოს, პროკურატურის, სამხედრო შენაერთების, პოლიციის, საქართველოს სახელმწიფო უსაფრთხოებისა და დაზღვევის სამსახურების და სახელმწიფო დაცვის სპეციალური სამსახურის დანაყოფების შენობების ინტერიერსა და ექსტერიერში, აგრეთვე საგზაო ნიშნებზე განთავსება\გაკვრა.

6. საარჩევნო სუბიექტებმა უზრუნველყონ საკუთარი სააგიტაციო მასალების გამოკვრა და გამოფენა იმ ფორმით, რომ დაცული იქნეს წინასაარჩევნო კომპანიაში (აგიტაციაში) მონაწილე ყველა საარჩევნო სუბიექტის თანაბარი შესაძლებლობა ისარგებლონ სააგიტაციო მასალის გასაკრავად და გამოსაფენად განსაკუთრებული ადგილებით.

7. დაევალოს, სამტრედიის მუნიციპალიტეტის საკრებულოს აპარატს განკარგულების (საარჩევნო სააგიტაციო მასალების განთავსებისათვის გამოყოფილი ადგილების თაობაზე ინფორმაცია) ადგილობრივ ბეჭდვით ორგანოებში და მუნიციპალიტეტის ოფიციალურ ვებგვერდზე გამოქვეყნების ორგანიზება.

საქართველოს პარლამენტის 2024 წლის არჩევნებისთვის სამტრედიის მუნიციპალიტეტის ტერიტორიაზე საარჩევნო სუბიექტების წინასაარჩევნო კომპანიისათვის (აგიტაციისთვის) სამტრედიის მუნიციპალიტეტის მიერ გამოიყოს არასამეწარმეო (არაკომერციული) იურიდიული პირის „სამტრედიის მუნიციპალიტეტის ეროსი მანჯგალაძის სახელობის კულტურის ცენტრის“ დარბაზი (ქ. სამტრედია რუსთაველის ქუჩა).

საკითხი გავიდეს ბიუროს სხდომაზე განსახილველად.

ამით დღის წესრიგით გათვალისწინებული საკითხები ამოწურულია.

სხდომის მდივანი: / მედეია ონიანი /

მანანა სირბილაძე

სამტრედიის მუნიციპალიტეტის საკრებულო-იურიდიული, ადამიანის უფლებათა დაცვის, საპროცედურო და სამანდატო საკითხთა კომისია-იურიდიულ, ადამიანის უფლებათა დაცვის, საპროცედურო და სამანდატო საკითხთა კომისიის თავმჯდომარე

გამოყენებულია კვალიფიციური ელექტრონული ხელმოწერა/ ელექტრონული შტამპი

